

REFERAT SAA- Sanarfinermut Avatangiisinullu Ataatsimiititaq d. 12-03-2018

Mødedato Mandag d. 12. marts 2018 kl. 18:00

Mødested Kommunalbestyrelsesip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissut.....	6
Paamiuni aputaajaasarneq pillugu ilisimatitsissut.....	7
Tasiilami aputaajaasarneq pillugu ilisimatitsissut.....	10
Kommuneqarfik Sermersuumi aputaajaasarneq pillugu ilisimatitsissut.....	13
Aalajangiiffigisassat.....	17
Suliat Aningaasaqarnermut Inuussutissarsionermullu Ataatsimiititamut Kommunalbestyrelsimullu i	18
Sanaartugassatut qinnuteqaat, "Qatanngutigiiit Pingasut", Svend Jungep Aqqutaa - Nuuk.....	19
Kommunimut pilersaarummut tapiliussatut siunnersuut, 1A20-1, Qatanngutigiiit pingasut, Nuuk.....	23
Kommunimut pilersaarummut tapiliusseq, 2B2-4 Qeqertat 2020, Nuuk, Nuussuup illoqarfiup ilaa p	27
Taasariaqartut allat.....	32
Suliat matoqqasut.....	33
Lukket.....	34
Lukket.....	35
Imaqarniliap akuerineqarnera.....	36

Punkt 0: Saqqaa

Ilaasortat Malene Lyng (IA), siulittaasoq Harald Bianco (IA) Justus Hansen (D) Mala Høi-Kjær (S) Laura Tjørnhøj (S)

Punkt 1: Oqaluserisassat akuerineqarnerat

Beslutning

Oqaluserisassat akuerineqarput.

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit</p>

Beslutning

2A. Siulittaasumit nalunaarutit

- Siulittaasoq suliffeqarfimmik Kommunalbestyrelsimut saaffiginnissimasumik ataatsimeeqateqarsimalluni nalunaaruteeqarpoq.
- Pisortaagallartoq Kangilinnguani salisitsinissaq pillugu ataatsimiigiarluni angalavoq.

2B. Ingerlatsivimmit nalunaarutit

- Soqanngilaq.

Punkt 3: Ilisimatitsissutit

Punkt 03A: Paamiuni aputaajaasarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Paamiuni aputaajaasarneq pillugu ilisimatitsissut

Paasissutissiissut

J.nr.: 23.02-A00-31-18

Sanarfinermut Avatangiisinullu Ingerlatsivik - pisortaagallartoq Hans Henrik Winther Johansen / HHWJ

Suliamut atatillugu paasissutissat

Kommunalbestyrelse-mut ilaasortaq Henrik Rachlev apeqquteqarpoq aputaajaanermut tunngasumik, Paamiunilu sioraarartiterisaqartannginneranut tunngasumik. Tassunga tunngatillugu pisuinaat aqquataanni Hal-ip eqqaani – Qipoqqaq-mi aammalu utoqqaallu ineqarfiisa eqqaanni – Prinsesse Benediktesvej-mi. Ingerlatsivimmiit apeqqutit tunngavigalugit, ingerlatsivik matumuunakkut ataatsimiititamat suliamut tunngasumik ilisimatitsissaaq.

Innersuussusut

Sanarfinermut Avatangiisinullu Ingerlatsiviu Sanarfinermut Avatangiisinullu Ataatsimiititamat inassuteqaatigaa:

- ataatsimiittitap ilisimatitsissut tusaatissatut tigussagaa

Suliamut atatillugu suliarineqarnera

Kommunalbestyrelse-mut ilaasortaq Henrik Rachlev Ingerlatsivimmut saaffiginnissuteqarpoq ukiukkut sioraaralersuisannginneq aputaajaasoqartannginneralu Hal-ip utoqqaat illuatalu eqqaanni.

Hal-imiit Qipoqqaap tungaanut aputaajaasarneq unammillernartuarsimavoq, tassa marulluup nalaanimmat. Aputaajaanissaq utaqqissunneqartariaqartarpoq marulluup qerinnissaa utaqqillugu, aatsaallu qerigaangat qamussuit motorillit atorlugit aputaajaasoqarsinnaasarluni. Qamussuarnillu aputaajaaneq mianerisassaasarluni nunap qerinera sunnernaveersaarneqartarluni.

Massakkumut qamussuit ataatsit kisimik aputaajaanermut atorput arlarisai aserorsimalutik iluarsaanneqarmata, taamasilluni aamma illoqarfimmi aputaajaanermik kinguaattoorutaasumik. Paamiuni materialgård-imi sulisoqarnikkut sulisut amerlassusissaannut akuerisaq naapertorlugu sulisoqalerpoq. Taamatut sulisoqarniarneq ajornartorsiutaasimavoq suliassaqarfinnut aalajangersimasunut naleqquttumik piginnaasaqartunut sulisussarsinissaq ajornartorsiutaasimammat.

Utoqqaat najugaqarfigisaanni Prinsesse Benediktesvej-mi aputaajaaneq ISERIT A/S-miit ingerlanneqartarpoq. Kommuni Iserillu suleqatigiinnerisigut sioraaralersuisarneq ingerlanneqartarpoq.

Taamatullu ingerlatsineq suleqatigiilluni pisariaqarfiisigut ingerlanneqartarluni. Taamatullu suleqatigiinneq pisariaqartitsineq naapertorlugu ingerlanneqartarluni, malugalugu upernaassakkut akulikinnerusarluni.

Aningaasaqarnermut sulisoqarnikkullu naliliineq:

-

Inatsisitigut tunngavia suliatigullu sinaakkutigineqartut

-

Suliap ingerlaqinnera

-

Aningaasaqarnermu Immikkoortortamiit oqaaseqaatit

Angingaasaqarnermut Immikkoortoramiit oqaaseqaateqartitsisoqarsimanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartoqanngilaq.

Ilanngussaq

Soqanngilaq.

Punkt 03B: Tasiilami aputaajaasarneq pillugu ilisimatitsissut

Beslutning

Ilisimatitsissut tisaatissatut tiguneqarpoq.

Bilag

regulativ grl.pdf

Tasiilami aputaajaasarneq pillugu ilisimatitsissut

Ilisimatitsissut

J.nr.: 23.02-A00-33-18

Sanarfinermut Avatangiisinullu Ingerlatsivik- pisortaagallartoq Hans Henrik Winther Johansen / HHWJ

Suliamut atatillugu paasissutissat

Sanarfinermut Avatangiisinullu ataatsimiitsitamut ilaasortaq Mala Høy Kúko Ingerlatsivimmu saaffignissuteqarpoq Tasiilami aputaajaasarnermut tunngasunik apeqquteqaateqarluni. Ingerlatsiviup apeqquteqatit ataatsimiititamut ilisimatitsissutigai..

Innersuussusut

Sanarfinermut Avatangiisinullu Ingerlatsiviup Sabarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq.

Suliamut atatillugu suliarineqarnera

Sanarfinermut Avatangiisinullu Ataatsimiititami ilaasortap Mala Høy Kúkup Tasiilamiitilluni innuttaasunit aputaajaanermut atatillugu saaffigineqarsimavoq, ilaatigut ima ima qartunik:

1. Aqqusernit tamakkiisumik sooruna aputaajarneqartanngitsut?
2. Aqqusernit imaluunniit illut pigineqartut aallaavigalugit aputaajaasarneq ingerlanneqartarpa?
3. Uani eqqarsaatigivara kommunip illu pigippagu, imaluunniit Namminersornerullutik Oqartussat illu pigippagu, imaluunniit illu inuup nammineq pigippagu aputaajaaneq ingerlanneqartarpa?
4. Imaluunniit suliffeqarfiit nammineq akiliillutit aqqusinertik aputaajartittarpaat?
5. Aqquserngit kiap sanatinnikuuvai?
6. Kikkullu aqqusernit akisussaaffigivai
7. Imaluunniit aningaasatigut arlaatigut ajornartorsiortoqarpa aputaajaaneq eqqarsaatigalugu?

Apeqquteqaatinut akissutit.

1. Illoqarfiup aqquserni tamarmik aputaajarneqartarput, tassunga malittarineqartarluni kaajallaasitaq Nuummi ukiukkut aputaajaasarnermut najoqqutassiaq 1992-meersoq
- 2-3. Kaajallaasitap imarisai najoqqutaralugit Kommuneqarfik Sermersooq-mi aqqusernit allattorsimaaffi aallaavigalugit aputaajaaneq ingerlanneqartarpoq. Kaajallaasitami ersipput, illoqarfimmi aqqusernit sorliunersut, taassuma ataani kommunip suliaasaqarfii pisussaaffigineqartut. Takuuk allakkiaq 1.
4. Qulaani kaajallasitap imarisaani, aputaajaanissamut pisussaafiit, illunik/inissianik suliffeqarfiilluunniit illoqarfimmi aqqusinernut aputaajassallugit akisussaaffigineqartut imarisaaniipput.
- 5-6. Kommuni illoqarfimmi aqqusinernik aserfallatsaalinerillu akisussaaffigalugillu ingerlappai aputaajaaneq ilanngullugu.
7. Aqqusinernik aputaajaaneq kaajallaasitaq naapertorlugu ingerlanneqartarmat pisussaaffinnik killiliisoqartarpoq, aningaasartuutissanik amigartoornermik tunngaveqanngilaq.

Aningaasaqarnermut sulisoqarnikkullu naliliineq:

-

Inatsisitigut tunngavia suliutigullu sinaakkutigineqartut
Nuummi ukiukkut aputaajaaneq pillugu 1992-meersoq kaajallaasitaq

Suliap ingerlaqinnera

-

Aningaasaqarnermu Immikkoortortamiit oqaaseqaatit
Aningaasaqarnermut Immikkoortoramiit oqaaseqaateqartitsisoqarsimanngilaq.

Innuttaasunik peqataatitsineq/attaveqaqatigiinneq
Soqanngilaq.

Ingerlatsivinniit allaniit oqaaseqaatigineqartut
Ingerlatsivinnit allanit oqaaseqaatqartitsisoqanngilaq.

Ilanngussaq

1. Nuummi ukiukkut aputaajaaneq pillugu 1992-meersoq kaajallaasitaq

Punkt 03C: Kommuneqarfik Sermersuumi aputaajaasarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

regulativ grl.pdf

Kommuneqarfik Sermersuumi aputaajaasarneq pillugu ilisimatitsissut

Ilisimatitsissut

J.nr.: 23.02-A00-32-18

Sanarfinermut Avatangiisinullu Ingerlatsivik – pisortaagallartoq Henrik Winther Johannsen / HHWJ

Suliarmut atatillugu paasissutissaq

Sanarfinermut Avatangiisinullu Ataatsimiitsitami ilaasortap Justus Hansen-ip ingerlatsivimmut apeqquteqaatinik arlariinnik Apeqquteqaateqarpoq. Taakku ilagaat kommunimi illoqarfinni aputaajaanermut tunngasoq. Ingerlatsiviup apeqqut tunngavigalugu imatut ataatsimiitsitamut ilisimatitsissuteqarput.

Innersuut

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ataatsimiititap ilisimatitsissut tusaatissatut tigussagaa.

Suliamut atatillugu suliarineqartoq

Sanarfinermut Avatangiisinullu ilaasortap Justus Hansen-ip apeqqutit arlallit kommunimi illoqarfinni aputaajaasarneq pillugu ataanittunut apeqquteqaatigai:

1. Sumiippat namminersortut, aammalu pisortat aputaajaanermik suliaqartartut?
2. Sunik kinguneqartinneqartarpa, illoqarfinni nalunaaquttap kaajallannerani aputaajaanngitsoortoqartinnagu?
3. Namminersortut qanoq aputaajaanissamut nereroorteqartarpat? Sumi? Sooq neqeroorutaat itigartinneqartarpat?
4. Qaqugu tulliani aputaajaanissamut suliariumannittussarsiuussisoqassava?
5. Immikkoortortamiit, aputaajaasut namminersortut naliliiffigineqartanngillat, isumqartoqarpat suliassamut naammassinnissaanngitsutut? Tassa KS isumaqaruni aputaajaanermut atortut maskinamik suliassamut naammassinnissinnaasunik peqarnini pissutigalugu?
6. Pisortani atorfeqarlutik aputaajaasartut, akilerneqartarpat tiimimusiaqartillugit? Qaangiuttoortarpat / immikkut aggersarneqartarpat?
7. Aputaajaanermut orsussaqaq atorfeqartartoq qanoq annertutigaa, piffinni assigiinngitsuni, KS-p illoqarfinni aputaajaaffiusuni ingerlataani?
8. KS-p aputaajaanermut namminersortunut piimasaqaataanut tunngatillugu. Piffinni nuannaarutigineqartarpa soorlu KS-p nammineq aputaajaaneratuut?
9. Assigiinngitsunik arlalinnik paasitinneqartarpunga, imminnut aporaattunik, soorlu innuttaasuninngaanniit. Soorlu, nammineq atortoqarluni pigisanik aputaajakkanut innersuussanut inissiisarnarit isumaqatiginanngitsunut igittarneri pillugit, taammaliortarneq akuerineqarsinnaangilaq.

Apeqqutinut ataatsimoortillugit oqaaseqaatigisat.

Kommuneqarfik Sermersooq-mi ukiukkut aqqisinernik aputaajaasarnermut atatillugu Nuuk 1992-mi aputaajaaneq pillugu kaajallaasitaq najoqqutarineqartarpoq. Kommuneqarfik Sermersooq-mi kaajallaasitap imarisai tunngavigalugit piffinni aputaajaaneq ingerlanneqartarpoq. Kaajallaasitami aqqusernit immikkoortitserneri immikkoortitaakkat aallaavigineqartarput, tassa aqqusernit pisortatigoortumik aqutiginineqartartut, taakkua kommunip aputaajarnissaanut aalajangersimasut pisussaaffigineqarput. Takuuk ilanngussaq 1.

Illoqarfinni aputaajaanissaq piffissami nal. 04.00-miit 24.00-mut aputaajarneq ingerlanneqartarpoq, kisianni ataatsimut isigalugu nalunaaquttap kaajallannera tamaat aputaajaasoqartarpoq apitillugu anorersuarterilluguluunniit. Atajuartumik illoqarfiup iluani aqqusernit aputaajarnissaat ingerlaannar-nissaa qulakkeerniarlugu aputinut igitsivissiorqartarpoq. Illoqarfiullu iluani aputinut inissigallar-fissiorqartarpoq apereeraangat aputit inissikkallar-neqarsimasut piiarneqartarlutik.

Aqqusinernik aputaajaaneq Sanarfinermut Avatangiisinullu Immikkoortortamiit akissussaafigine-qarluni ingerlanneqartarpoq. Kommunip entreprenørvirksomhed-niit / materielgård-mi Ingerlatsinermut pisortamiit nakkutigineqarluni akissussaaffigineqartumillu aputaajaaneq ingerlanneqartarpoq. Aqutsisup innersuussai malinneqartassapput qulakkeerneqaaqqullugu aputaajaaneq ajornartorsiutitaqanngitsumik illoqarfiullu iluani angallanneq ingerlasinnaaqqullugu.

Aningaasaqarnikkut sulisoqarnikkullu naliliineq

Apeqqutigineqartunut oqaaseqaatit.

Ukiukkut Nuummi aqqusinernik aserfallatsaaliineq:

Nuummi ukiukkut aputaajaanerit immikkoortortanut 16-nut avitseqatigiinnikkut/aputaajagassanut agguataarsimapput. Kommunip immikkoortut aputaajaanerit ilai ingerlappai, sinneruttut pingasut namminersortunut suliariummannittussarsiuussinikkut suliakkiissutigineqarsimaluutik. Aputaajaanermi suliariummannittussarsiuussinermi Immikkut aputaajaanissamut sullissinissamut piumasaqaatitaqartunut (SA), aammalu Immikkuullarissumik Piumasaqaammut (SB) tassani suliariummannittussaarsiuussinermi piumasaqaatinik tunngaveqarput. Tamakulu aputaajaanermi maleruaqqusanik malinneqartussaallutik tassanittaaq kommunip entreprnørafdelingiata malitassaanik. Isumaqatigiissutit 30. april 2019-mi qaangiutissaaq.

Isumaqatigiissusiorfigineqarsimasut GNC ApS – arfineq pingasunik suliassaqarfearqtoq Nuup illoqarfiata iluaniinnerusoq aammalu Nuussuup kangisissuani aputaajaaneq Illoqarfiup Entreprenør og Minørfirma-miit immikkoortortat marluk Qinngorput tamaat aammalu mittarfimmuut aqqusernit. Nuuk Entreprenør-ip immikkoortortat tallimat annerusumik illoqarfitoqqami eqqarisaanilu. Kommunip Entreprenørafdeling-ip immikkoortortaq ataaseq tassa Nuussuup illoqarfiata kippasinnerusortaani.

Orsussamut aningaasartuutit immikkut naatsorsorneqarsimanngillat, kisiannili ataatsimut materialgård-imi orsussamut ataatsimut 2017-mi kr. 577.000,00-nit aningaasartuutigineqarsimammata.

Tasiilami ukiukkut aqqusinernik aputaajaasarneq:

Tasiilami ukiukkut aputaajaanerit immikkoortortanut 3-nut avitseqatigiinnikkut/aputaajagassanut agguataarsimapput Kommunip entreprenørvirksomhed/Materialgården-imiit ukiukkut aputaajaaneq ingerlanneqartarpoq. Aputaajaaneq ingerlanneqartarpoq piareersarneqarlunilu Immikkut suliaraqarnissamut piumasaqaatit (SA) allaavigalugi ingerlanneqartarluni, tassani aqqusernit quasartut iliuuseqarfiginissaat aammalu Tasiilap illoqarfiata iluani aputaajanissamut tunngasut, ilanngullugit aputaajaanissamut immikkut piumasaqaatit.

Siornatigut namminersortut marluk atorlugit aputaajaaneq maskiinaataat atorlugit ingerlanneqar-tarsimavoq, ullumikkulli taamaallaat Tasiilaq Entreprenør-eqarluni. Ukiukkut aputaajaanermut tunngatillugu 2016/2017-milu kommuni Tasiilaq Entreprenør ikiortigisimavaa pisariaqarfiisigut. Taamaasiornerlu tiimimut akit akigitinneqartut tunngavigalugit akilerneqartarsimalluni.

Ullumikkut Tasiilaq Entreprenør maskinanik aputaajaasinnaassunik peqanngilaq maskinat pigineqartut marluk ajoquteqalersimammata. Taamaasilluni kommuni suliassaqaleruttornerata nalaani ikiortasinnaasunik pissaarussimalluni.

Immikkoortortamiit massakkuugallartoq naliliisoqarpoq pisariaqartutigut namminersortunit ikiorteqarnissaq ajornartoq tassa Tasiilami namminersortunik maskinatigut pigisaqartoqanngimmat.

Immikkoortortap nalilerpaa ingerlaavartumik nalilersuisarnerit ingerlanneqassasut aputaajaanissamut suliariumannittussarsiuussisarnissamut.

Aningaasartuutit immikkoortillugit naatsorsorneqarsimangillat kisianni ukioq kaajallallugu materialgård-imi tamakkerlugu 2017 kr. 502.000,00 atorneqarsimallutik.

Paamiuni ukiukkut aputaajaasarneq:

Ukiukkut aputaajaaneq suliariumannittussarsiuussinikkut Frederikshåb Betoncentral-imut suliaqarsimavoq. Suliariumannittussarsiuussinermi immikkut sulianissamut (SA) aammalu Immikkut suliaqarnissamut (SB) tunngavigalugu maleruagassat aputaajaasoqartillugu piunasaqaatit allaavigalugit. Isumaqaatigiissut qaangiutissaaq 30. april 2019-mi.

Aputaajaanermi immikkut orsussamut aningaasartuutit naatsorsorneqarsimangillat kisianni materialgård-imi katillugit 2017-mi kr. 110.000,00 atorneqarsimallutik.

Ittoqortoormiini ukiukkut aputaajaaneq:

Ukiukkut aputaajaanissamut suliarinnittussarsiuussinermi ITT-Byg suliarinnittuuvoq. Suliariumannittussarsiuussinermi Immikkut sulinissamut (SA) aammalu Immikkut piunasaqaatit (SB) tunngavigalugit isumaqaatigiissutigineqarlutik. 31. december 2018 isumaqaatigiissut qaangiutissaaq.

Aputaajaanermut orsussamut atorneqartut immikkoortinneqarsimangillat kisianni 2017-mi materialgård-imi kr. 92.000,00 atorneqarsimapput.

Inatsisitigut tunngavia suliaticullu sinaakutigineqartut
Nuummi ukiukkut aputaajaaneq pillugu 1992-meersoq kaajallaasitaq

Suliaq ingerlaqittussaq

2018-mi ukiakut aputaajaanermut suliariumannittussarsiuussinermut maleruagassaq kommunip illoqarfiini 01.11.2019-miit 30.04.2023-nut atuuttussap suliarineqassaaq. Suliarinninnermi illoqarfinni pineqartuni Immikkoortortap paasiniassavaa entreprenørit namminersortut inissisimanagerat, suliariumannittussarsiuussinissamullu suleqataanissaminnut piareersimanersut, tassani aamma paasiniassallugu sulisoqarnikkut atortutigullu piareersimanersut.

Aningaasaqarnermut Immikkoortortamiit oqaaseqaatit

Angingaasarnermut Immikkoortortamiit oqaaseqaateqartoqartitsisoqarsimangilaq.

Innuttaasunik peqataatitsineq/attaveqaatigiinneq

Soqanngilaq.

Ingerlatsivinnit allanit oqaaseqaatit

Peqanngilaq

Allakkiat ilanngussat

Punkt 4: Aalajangiiffigisassat

**Punkt 5: Suliat Aningaasaqarnermut Inuussutissarsionermullu
Ataatsimiititamut Kommunalbestyrelsimullu ingerlateqqitassat**

Punkt 05A: Sanaartugassatut qinnuteqaat, ”Qatanngutigiit Pingasut”, Svend Jungep Aqqutaa - Nuuk

Beslutning

Inassuteqaatit akuerineqarput.

Bilag

Bilag 1 KAL.pdf

bilag 2 KAL.pdf

Bilag 3.pdf

BILAG 4.pdf

Sanaartugassatut qinnuteqaat, "Qatanngutigii Pingasut", Svend Jungep Aqqutaa - Nuuk

Aalajangiiffigisassaq

J. nr.: 16.03-P20-6-17

Sanarfinermut Avatangiisinullu Ingerlatsivik - pisortaagallartoq Hans Henrik Winther Johannsen / HHWJ

Suliassamik eqikkaaneq:

Sanaartugassatut qinnuteqaat, "Qatanngutigii Pingasut", maanna pilersaarusiornermut inatsit nutaaq naapertorlugu sap. ak. arfineq-pingasuni tusarniaassutigineqareerpoq, pilersaarullu matumuuna inaarutaasumik akuersissutigisassanngorlugu saqqummiunneqarluni. Ingerlatsivimmit naliliineq malillugu, tusarniaanermi akerliliissutit pilersaarusiap nalilersoqqinnissaanut tunngaviliinngillat.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- pilersaarut, suliamullu tunngatillugu ingerlariaqqinnissaq, inaarutaasumik akuerineqassasut, aammalu
- suliaq akuerisaq Aningaasaqarnermut Inuussutissarsiornermullu Ataatsimiititamat Kommunalbestyrelsimullu akuerisassatut ingerlatseqqinneqassasoq.

Suliassamik saqqummiussineq

Kommunalbestyrelsip ataatsimiinnermi 21. novembarimi pilersaarusiornermut inatsit nutaaq naapertorlugu sanaartugassatut qinnuteqaat, "Qatanngutigii Pingasut", Svend Jungep Aqqutaa, akuersissutiginiarlugu aalajangiuppaa, sapaatit-akunnernilu arfineq-pingasuni piffissami 13.december 2017-imiit 7.februar 2018-imut tusarniaassutigalugu.

Tusarniaaneq qaangiutereerpoq, akerliliissutillu marluk tiguneqarput. Akerliliissutit ingerlatsivimmit suliarineqarneri ilanngussaq 1-mi takuneqarsinnaapput.

Sanarfinermut Avatangiisinullu Ingerlatsivik Svend Jungep Aqqutaani immikkoortup ilaani 1A19-imi 51-inik inissialiornissamik ilaqartumik nutaamik pissanganartumillu pilersaarusiornermut nunaminertamik inniminniinissamat qinnuteqaammik tigusaqarpoq. Pilersaarutit susassaqarfik pineqartoq ullumikkut quersuaasaqarpoq soqutiginnittumit nammineq pigineqartumik. Pilersaarummi pineqarput inissiarsuit, arfinilinnik quleriillit, pingasut nunagissarlugillu sukisaarsaarfissalersukkat.

Aaqqiissutissatut siunnersuut – suliatigut naliliineq

Tusarniaanerup nalaani akerliliissutit tiguneqartut pilersaarutit nalilersoqqinnissaanut tunngaviliinngimmata, Sanarfinermut Avatangiisinullu Ingerlatsivimmit naliliineq naapertorlugu suli pilersaarut kommunimut pilersaarummut inissianik inissaqartitsisumut naapertuuppoq. Aammattaaq kommunimut pilersaarut malillugu eqiterineq siunertaavoq, taamaapporlu Nuup illoqarfittut piujuartussamik inerisarnissaanut tunngaviusussaq.

Sanarfinermut Avatangiisinullu Ingerlatsivik pilersaarummut isumalluarpoq, tassanimi pingaarnertut siunertaamat kikkunnilluunniit orninneqarsinnaasumik ukioq naallugu sukisaarsaarfissaliorneq. Ujarassuaminersuit naasuliviillu (mistbænkit) illoqannginersami pisatsersuutigineqartut ilagissavaat. Taakku saniatigut immini pitsaavoq, B-nr. 227 quersuaasaq soqutigisallip nammineq pigisani, inissiaqarfinngortinniarlugu allanngortikkusummagu. Immikkoortoq pillugu kommunimut pilersaarummut tapiliussamut suliap siunnersuutigineqarnera Sanarfinermut Avatangiisinullu Ingerlatsivimmit pineqarpoq, suliallu ingerlanerani Illuliortaatsimut politikki kommunimit akuersissutigineqartoq malinneqassalluni.

Aningaasaqarnikkut sulisoqarnikkullu naliliinerit

Pilersaarussiaq politikikkut inaarutaasumik akuersissutigineqassappat soqutiginnittullu uppersarsarsinnaappagu, piginneqatigiiffiup aningaasaateqarfigisaminit oqaaseqaateqartinneratigut, pilersaarussiaq piginneqatigiiffimmit aningaasatigut nammanneqarsinnaasoq, nunaminertamik atuinissaa ukiuni marlunni atuuttussanngorlugu tunniussisoqarsinnaavoq. Piffissami tamatumani immikkoortoq pillugu nammineq kommunimut pilersaarummut tapiliussamik suliaqassaaq.

Inatsisitigut tunngavissaq allakkallu tunngaviusumik uppersaaitallit

Pilersaarusionerit aamma nunaminertat atornerqartarneri pillugit Inatsisartut inatsisaat nr. 17, 17. november 2010-imeersoq
Inatsisartut inatsisaat nr. 34, 9. decembari 2015-imeersoq
Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarusionerimut Inatsisip allanngortinnerata nutaap ingerlanera ima nassuiarneqarsinnaavoq:

1. Soqutiginnittup sanaartugassatut qinnuteqaatini Kommunalbestyrelsimut nassitissavaa, piimasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsimut pilersaarut akuerissavaa, minnerpaamillu sapaatip-akunnerini arfinilinni tusarniaassutigissallugu, tassunga ilanngunneqassapput Kommunalbestyrelsimut qinnuteqarnissamut piimasaqaatai, taakkulu arlaanulluunniit attuumassuteqassanatik.
3. Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqaarsinnaallutik.
4. Tusarniaassuteqartoqareernerata kingorna pilersaarut kommunalbestyrelsimut inaarutaasumik akuersissutigineqassaaq, imaluunniit periarfissatut sanaartugassaasinnaasut isummerfigissallugit. Tassa maannakkut tamaaniippugut.
5. Tamatuma kingorna soqutiginnittoq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.

Pilersaarutip annertussusaa tunngavigalugu avatangiisinut naliliisoqassappat, assersuutigalugu Avatangiisinut Sunniutinik Naliliinermik (VVM-imik) naliliisoqartariaqarpat, soqutiginnittup nammineerluni tamanna suliarissavaa aningaasaliiffigalugulu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliaq qulaani pineqartoq innersuussutigaa illoqarfimmilu sanaartortoqarnerunissaa isumalluarfigalugu

Innuttaasunik peqataatitsineq/attaveqaqatigiinneq

Pilersaarut inaarutaasumik akuersissutigineqassappat siunissami ungasinnerusumi tusarniaassutigineqartussamik kommunimut pilersaarummut tapiliussa q suliaralugu aallartinneqassaaq.

Ilanngussaq/Ilanngussat

1. Akerliliissutiniq suliaqarneq
2. Akerliliissutit:
3. Suliniummut qinnuteqaat
4. Inatsisartut inatsisaat nr. 34, 9. december 2015-imeersoq

Punkt 05B: Kommunitut pilersaarummut tapiliussatut siunnersuut, 1A20-1, Qatannutigiit pingasut, Nuuk

Beslutning

Inassuteqaatit akuerineqarput.

Bilag

BILAG 1 - FORSLAG TIL KPT 1A20-1_KAL.pdf

Kommunimut pilersaarummut tapiliussatut siunnersuut, 1A20-1, Qatanngutigii pingasut, Nuuk

Aalajangiuffissaq

J.nr: 16.03.01.01-P16-3-18

Sanarfinermut Avatangiisinullu Ingerlatsivik – pisortaagallartoq, Hans Henrik Winther Johannsen, HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A20-1, "Qatanngutigii pingasut", Nuuk, akuersissutigisassanngorlugu matumuuna saqqummiunneqarpoq.

Kommunimut pilersaarummut tapiliussatut siunnersuut pilersaarummut qinnuteqaat "*Qatanngutigii pingasut, Nuummi inissiat, Svend Jungep Aqqutaa*" tunuliaqutaralugu sularineqarpoq, taannalu Sanarfinermut Avatangiisinullu Ataatsimiititamit ulloq marsip tallimaat 2018 inaarutaasumik akuerineqarnissaa naatsorsuutigineqarpoq, kingornalu Aningaasaqarnermut Inuussutissarsiornermullu Ataatsimiititamit marsip 22-ni 2018 inaarutaasumik akuerineqassaaq, Kommunalbestyrelsimiillu ulloq 10. aprili 2018 inaarutaasumik akuerineqassalluni, pilersaarummut inatsimmik allanngiineq 1. januar 2016- meersoq malillugu.

Siunnersuut inissianik assigiinngitsunik angissusilinnik 60-it missiliorlugit amerlassusilinnik pilersitsinissamik periarfissiissaaq. Ullumikkut sanaartorfissatut toqqavik inuussutissarsiorinissamut soqutiginnittunit atorineqarpoq.

Siunnersuut kommunimut pilersaarummut naapertuuppoq, sumiiffik tamaviat inissialiorfissatut immikkoortinneqarsimammat.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut siunnersuut 1A20-1, Svend Jungep Aqqutaa, Nuummiittoq akuerineqassasoq.
- siunnersuut akuersissutigineqartoq Aningaasaqarnermut Inuussutissarsiornermullu Ataatsimiititamut ingerlateqqinneqassasoq sapaatip-akunnerini arfinilinni tamanut tusarniaassutigineqarnissaa siunertaatillugu atuutilersinneqartussanngorlugu, aammalu
- Aningaasaqarnermut Inuussutissarsiornermullu Ataatsimiititap suliaq Kommunalbestyrelsimut ilisimatitsissutitut ingerlateqqissagaa.

Suliassamik saqqummiussineq

Kommunimut pilersaarummut tapiliussatut siunnersuut pineqartoq pilersaarummut qinnuteqaammut, "Qatanngutigii pingasut", Svend Jungep Aqqutaa, Nuummiittumut attuumassuteqarpoq, pilersaarutillu pilersaarusiorneq pillugu inatsit nutaaq Inatsisartut inatsisaat nr. 34, 9. december 2015-meersoq naapertorpaa.

Kommunimut pilersaarummut tapiliussatut siunnersuut inissianik assigiinngitsunik angissusilinnik 60-it missiliorlugit amerlassusilinnik, illunut pingasunut quleriinnik 7-nik portutigisunik

pilersitsinissamik periarfissiissapput. Siunnersuummut illut akornanni illoqannginnersami naasuliviliornikkut (mistbænk), oqquiffissaliornikkut ujarassuarnik issortalersuinikkut nunagissaaneq ilaavoq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup suli inissiaqarfissaq nutaaq kommuunimup pilersaarummut 2028-moortumut naapertuussoraa. Kommunimut pilersaarummi sumiiffik inissiaqarfissatut immikkoortinneqarsimavoq, tassanilu Nuummi attanneqarsinnaasumik illoqarfimmik ineriartortitsinissamut pingaarnertut najoqqutassatut akulikinnerusunik sanaartornissaq qitiutinneqarpoq.

Pilersaarummilu inissialiassat quleriinnik 7-inik portussuseqarneri sumiiffimmu tulluarluinnarput. Pilersaarummilu sanaartorfigineqanngitsut ilaatigut naasuliviit (mistbænk) varmespiralilersukkat naasullu pioreersut atorlugit ujarassuarnik nunagissaanissaq eqqarsaatigineqarsimallutik. Sumiiffik tamanut, illut tunuaniittumut qaqqajunnamut aqqusineqqamik pilersitsiffiunissaa soqutiginnittup pilersinniarpaa.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppernarsaatitalit Kommunimut pilersaarummut tapiliussatut siunnersuut ukua toqqammavigalugit suliarineqarpoq:

- Pilersaarusionerq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq (Pilersaarusionermmut inatsit).
- Pilersaarusionerq aamma nunaminertat atorneqartarneri pillugit Inatsisartut inatsisaata allannngortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusionermmut nalunaarusiaq, nunaminertanik inniminniisarneq, atuisinnaanermmut killigittitamik sivitsuisinnaanermmut periarfissaq, utaqqisunik allattorsimaffiup saqqummiunneqarnissaa, pilersaarusionermmut- nunaminertamillu atuisinnaanermmut atatillugu naammagittaalliortarfiup allallu atorunnaarsinneqarnissaa)
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut pillugu siunnersuut tamanut tusarniaassutigineqassaaq piffissami 28.03.2018 – 09.05.2018. Tusarniaassummut akissuteqarnissamut killiliussaqa qaangiuppat pilersaarutissatut siunnersuut, akerliussutit takkussimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu, Aningaasaqarnermmut Inuussutissarsiornermmullu Ataatsimiititani aammalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermmut Allatseqarfimmit oqaaseqaatit

Aningaasaqarnermmut Allatseqarfiup suliaq qulaani pineqartoq innersuussutigaa illoqarfimmilu sanaartortoqarnerunissaa isumalluarfigalugu

Innuttaasunik peqataatitsineq/attaveqaqatigiinneq

Kommunimut pilersaarummut tapiliusseq sapaatit-akunnerini arfinilinni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut qppersagaatigut allagarsiissutigineqassaaq.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilanngusseq/Ilanngussat:

1. Kommunimut pilersaarummut tapiliussatut siunnersuut 1A20-1

Punkt 05C: Kommunitut pilersaarummut tapiliusseq, 2B2-4 Qeqertat 2020, Nuuk, Nuussuup illoqarfiup ilaa pillugu siunnersuut

Beslutning

Inassuteqaatit akuerineqarput.

Bilag

Bilag1_KAL.pdf

Kommunimut pilersaarummut tapiliusseq, 2B2-4 Qeqertat 2020, Nuuk, Nuussuup illoqarfiup ilaa pillugu siunnersuut

Qeqertani umiarsualiviup nunaminertaani sanaartugassatut qinnuteqaatit tunngavigalugit kommunimut pilersaarummut tapiliussassatut siunnersuut.

Aalajangiiffigisassaq

J. nr.: 16.03.01.01-P16-2-18

Sanarfinermut Avatangiisinullu Ingerlatsivik - pisortaagallartoq Hans Henrik Winther Johannsen / HHWJ

Suliassamik eqikkaaneq:

Sanarfinermut Avatangiisinullu Ingerlatsiviup matumuuna Kommunimut pilersaarummut tapiliusseq 2B2-4, Qeqertat 2020, Nuuk, Nuussuup Illoqarfiata ilaa akuersissutigisassanngorlugu saqqummiuppa.

Qeqertani umiarsualiviup nunaminertaani sanaartugassatut qinnuteqaatit inaarutaasumik akuersissutigineqarnissaat tunngavigalugit kommunimut pilersaarummut tapiliussassatut siunnersuut suliarineqarpoq. Sanaartugassatut qinnuteqaatit Kommunalbestyrelsimit 21. novembari 2017-imi pilersaarusiornermut inatsisip, 1. januari 2016-imiit atuuttup, allanngortinnera naapertorlugu akuersissutigineqarput. Kommunimut pilersaarummut tapiliussassatut siunnersuummi matumani nunaminertat immikkuualuttoq B-mi nassuiaatigineqarput.

Sanaartugassatut qinnuteqaatini siunertarineqartut piviusunngortinnissaannut kommunimut pilersaarummut tapiliussassatut siunnersuut naapertorlugu periarfissaalissapput. Pilersaarutissatut siunnersuutitigut aalajangersakkanik aalajangersaasoqassaaq, taakkulu naapertorlugit sanaartugassatut qinnuteqaatinut ilaasut nunaminertat pilersaarummi ataatsimoorussami aamma Kommunalbestyrelsimit kissaatigineqartut akuersissutigineqarnerisigut inerisarneqassapput. Matumani immikkoortup attaveqarnerata takuneqarsinnaasullu sanaartorneqarnera ilanngullugu. Pilersaarutaaq naapertorlugu Nuummi containereqarfiup inerisarneqarnissaanut pilersaarutaasimasup ingerlateqqinneqarnissaa qulakkeerneqassaaq, kiisalu nunaminertat kommunimit imaluunniit ineriartortitsinermut ingerlatseqatigiiffimmit kommunip pigisaanit atorineqarsinnaallutik ilaatigut inuussutissarsiuteqarnermut atorineqarsinnaallutik.

Kommuneqarfik Sermersuup Illoqarfiit pingaarnersaat pillugu periusissiaq aamma kommunimut pilersaarut naapertorlugit Nuummi inuussutissarsiuteqarfiup inerisarneqarnissaanut Kommunalbestyrelsip takorluugaanut kommunimut pilersaarummut tapiliussassatut siunnersuut naapertuuppoq.

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Kommunimut pilersaarummut tapiliusseq 2B2-4, Qeqertat 2020, pillugu siunnersuut akuersissutigineqassasoq.
- Siunnersuut akuersissutigineqartoq akuersissutigisassanngorlugu sap.ak. arfinilinni tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut ingerlateqqinneqassasoq.

- suliaq tamatuma kingorna ilisimatitsissutitut Aningaasaqarnermut Inuussutissarsiornermullu Ataatsimiititamit Kommunalbestyrelsimut ingerlateqqinneqassasoq

Suliassamik saqqummiussineq

Qeqertani Nuummi sanaartugassatut qinnuteqaatit pillugit Sanarfinermut Avatangiisinullu Ingerlatsiviup inassuteqaatigisaa Kommunalbestyrelsip ulloq 21. november 2017-imi ataatsimiinnermini akuersissutigissallugu aalajangiuppaa. Sanaartugassatut qinnuteqaatinut akerlilliissutit ingerlatsivimmit suliarineqarneri aamma tusarniaanerup nalaani periarfissatut sanaartugassat nassiunneqartut atulersinneqarnissaat tunngavigalugit inassuteqaatit akuersissutigineqarput. Kommunalbestyrelsip akuersissuteqarnerata kingorna nunaminertap inaarutaasumik atulersinneqarnissaa siunertaralugu soqutigisaqaqatigiit ataatsimoortillugit ingerlatsivimmit ataatsimeeqatigineqarput, kiisalu Kommunalbestyrelsimit piumasaqaataasut soqutigisaqaqatigiinnillu kissaataasut pitsaanerpaamik aaqqiiviginiarlugit soqutigisaqaqatigiit tamarmik immikkut ataatsimeeqatigineqarlutik.

Immikkoortup ataatsimoortumik pilersaarusiorneqarnissaa qulakkeerniarlugu, Kommunimut pilersaarummut tapiliussaq 2B2-3-mi maleruaqquneqartut aalajangersakkallu atuuttut sanaartugassatut qinnuteqaatinut ilaatinneqanngitsut nunaminertat pillugit siunnersuummut uunga nuunneqarput. Taamaalilluni kommunimut pilersaarummut tapiliussaq 2B2-4 naapertorlugu sanaartugassatut qinnuteqaatit piviusunngortinneqarnissaat periarfissaalissaaq, nunaminertat kommunimit imaluunniit ineriartortitsinerumt ingerlatseqatigiiffimmit kommunip pigisaanit atornerqarsinnaallutik, kiisalu Nuummi containereqarfiup umiarsualiviup ineriartortinnissaanut periarfissat pillugit pilersaarutaasup atuuttup ingerlateqqinnissaa qulakkiissallugu.

Kommunimut pilersaarummut tapiliussassatut siunnersuut naapertorlugu immikkoortup ilaata killeqarfia iluarsineqassaaq, pissutigalugu immikkoortup ilaa pilersaarummi "Nuuk Nutaamik Pingaarnertut Aaqqissuunneqarnera"-ni nunaminertanik nutaanik ilanngussisoqarneratigut annikillisinneqarmat. Immikkoortuttaaq pilersaarusiortiusup iluani immikkuualuttut pilersaarummit matuminnga iluarsineqassapput. Immikkuualuttoq una ima ilaneqassaaq:

Immikkuualuttoq A: Immikkuualuttumi Sikuki umiarsuarnut containerinik usisunut umiarsualivilioreerneratigut sanaartorfiusinnaasut ilaani sanaartorfioererpoq. Sanaartorfissat ullumikkut atornerqarneratut atornerqaannassapput. Sanaartorfissaq 1 kommunimut pilersaarummut tapiliussamit matuminnga iluarsineqassaaq siunissamilu alliliinissamut periarfissat qulakkiissallugit. Immikkuualuttumi sanaartorfissat sanaartorfineqarnerini annerpaamik 50 %-iutinneqassapput portunerpaaffialu 32,5 meteriutinneqassalluni.

Immikkuualuttoq B: Immikkuualuttumi sanaartorfissat pilersaarusiornissamik siunnersuutit qinnuteqaatigineqartut naapertorlugit aalajangersarneqassapput, taakkulu piviusunngortissinnaangorlugit. Sanaartorfissat nutaat qulit pilersinneqarput, tassa immikkuualuttumi inuussutissarsiutitut siunertanut. Illuliat portunerpaamik 18 meteriusut nunaminertat agguanneqartut akornanni immikkuualuttumi sanaartorfissat 1/3-iisa aamma 2/3-iisa akornanni sanaartorneqarsinnaapput. Taamaattoq sanaartorfissat 30 %-iini portussuseq 26 meteri akuerineqarpoq.

Immikkuualuttoq B-mi soqutigisaqaqatigiit sanaartorfissagissaanermut pilersaarummik suliaqarnissaanut pisussaavoq, tassanilu immikkoortup sanaartorfissagissarneqarnissaa

pingaarnertut nassuiaatigissallugu. Immikkuualuttoq B-mi sanaartugassatut qinnuteqaatit akuersissutigineqarnerini Kommunalbestyrelsip piumasaqaatai naapertorlugit aalajangersakkanik aalajangersaasoqarpoq. Matumani immikkuualuttup avannaatungaani qeqqani ataatsimoorfiusumi sanaartoqqusaanermut piumasaqaateqarnermi, nunaminertani atuuffiusuni atajuartussamik qallersorneqassaaq taavalu ataatsimut allagartarsualersuisoqassalluni, ungaluusat aalajangersimasut atornerqarlutik aamma qullilersuisoqarluni.

Immikkoortup kiassaateqarfissaanut sanaartorfissaliisoqarpoq Usisaallu tamatumani assingusumik kiassaateqarfimmik pilersitsinissaminut kissaateqarluni. Kommunip, Nukissiorfiit immikkoortumilu soqutiginnittup akornanni oqaloqatigiinnikkut immikkoortup kiassarneqarnissaa ersarissaavigineqassaaq.

Immikkuualuttoq C: Inuussutissarsiuteqarnermik suliffeqarfinnut, umiarsualivimmi inuussutissarsiutinut kiisalu inaalitsivinnut atugassaavoq. Sumiiffik ullumikkut illulianik sanaartorfioreerpoq, inissallu atornerqarsinnaasut tamakkerneqarsimallutik. Immikkoortumi annerpaamik 15 meter tikillugit sanaartortoqarsinnaavoq.

Immikkuualuttoq D: Sumiiffik attaveqaatinut atortulersuutinut atugassanngortinneqassaaq, soorlu sapsusiaq aamma Qeqertat Pukuffillu aqqutilernissaannut ikaartarfik, taakku maanna sanaartorneqarput.

Aaqqiissutissatut siunnersuut – suliaticigut naliliineq

Nuummi inuussutissarsiuteqarfiup inuussutissarsiortullu inerisaqqinnissaannut Kommuneqarfik Sermersuup Illoqarfiit pingaarnersaat pillugu periusissiaani kommunimullu pilersaarummi politikikkut pingaarnersiugaasoq naapertorlugu kommunimut pilersaarummut tapiliussassatut siunnersuutitigut matumuuna periarfissaalissasoq Sanarfinermut Avatangiisinullu Ingerlatsivimmit naliliisoqarpoq. Pilersaarummi aalajangersakkat naapertorlugit immikkuualuttoq B-mi sanaartugassatut qinnuteqaatit piviusunngortinniarneri immikkoortumi attaveqarneq takunerqarsinnaasullu pillugit ataatsimut najoqqutarineqartut malillugit pissasoq qulakkeerneqassaaq. Taamaaliornikkut illoqarfiup qeqqata missaani ataqatigiissumik inuussutissarsiuteqarfimmik pilersitsisoqarnissaa kinguneqassaaq. Pilersaarutaaq naapertorlugu nunaminertaq kommunimit imaluunniit ineriartortitsinermut ingerlatseqatigiiffimmik kommunip pigisaanik atornerqarnissaa qulakkeerneqassaaq, taamaattoqarneratigut soqutigisaqaqatigiit amerlanerusut nutaanillu inuussutissarsiuteqartut pilersitsisinnaallutik immikkoortumilu neqeroortugineqartut atuuffiillu inerisarnissaannut peqataallutik. Pilersaarut naapertorlugu siunissami qaninnerusumi ungasinnerusumilu inuussutissarsiuteqarnikkut illoqarfiullu inerisarnissaatigut periarfissanik assigiinngitsunik ammaassisoqassaaq. Soqutigisaqaqatigiit sanaartugassatut qinnuteqaataat matumani ilaatinneqartut pilersaarutitik aallartissinnaavaat, siunissamilu qaninnerusumi ilaatigut sanaartornissamik pisussaaffiliisoqartussaalluni. Peqataanillu Nuummi containereqarfiup ineriartorteqqinnissaanut periarfissat ammaanneqassapput taamaaliortoqarnerani piffissami sivisunerusumi atuussinnaalluni.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq. Immikkoortumi kommune / NCD nunaminertamik piginnittuutitaammat, immikkoortuni sanaartorfissagissaanermut siunissami ungasinnerusumi aningaasanik immikkoortitsisoqassaaq. Aningaasat amerlassusaat siunissami aalajangersarneqassapput,

kommunimilu sanaartornermut pilersaarussiaata ilaani takuneqarsinnaajumaarluni, imaluunniit NCD aqutigalugu pissalluni.

Inatsisitigut tunngavissaq allakkallu tunngaviusumik uppersaatitallit

Pilersaarusionerq aamma nunaminertat atornerqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Sanaartugassatut pilersaarutitut siunnersuut tamanut tusarniaassutigineqassaaq piffissami 28. marts 2018 - 9. maj 2018.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpat ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermut Allatseqarfimmit oqaaseqaatit

Suliassamik saqqummiussaq qulaani pineqartoq Aningaasaqarnermut Allatseqarfimmit innersuussutigineqarpoq, pilersaarullu taama ittoq pillugu illoqarfimmi inuussutissarsiutinik ingerlataqartut ataatsimoorussinerat nuannaarutigalugu.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatit-akunnerini arfinilinni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut quppersagaatigut allagarsiissutigineqassaaq takuuk nuna tamakkerlugu pilersaarusionermermut immikkoortortaanit nassiussisarnermut allassimaffia.

Ingerlatsivinnit allaniit oqaaseqaatit

Ingerlatsivinnit allaniit oqaaseqaateqartitsisoqanngilaq.

Ilanngussaq/Ilanngussat:

1. Kommunimut pilersaarummut tapiliussaq 2B2-4, Qeqertat 2020 pillugu siunnersuut

Punkt 6: Taasariaqartut allat

Beslutning

Laura Táunâjik (S): Aputaajaanermut maleruagassanik nalilersueqqinnermut pitsaassutsimillu aalajangersaanissamut tunngatillugu kissaatigaa isumannaallisaaneq aamma upalungaarsimaneq eqqumaffiginiarneqassasut.

- Innuttaasut kukkunikkut bussinut akiliivallaartannginnissaat kissaatigineqarpoq.

Punkt 7: Suliat matoqqasut

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nalunaaqutaq 16:22